

續山東考古錄 十一之十七

80140
P32-2
13

建設總
署收藏
圖書之章

續山東考古錄卷之十一

滄州葉圭綬子佩甫述

登州府上

蓬萊縣

漢後漢魏晉劉宋後魏黃縣地牟平縣地

高齊光州長廣郡牟平縣又黃縣地周因之

齊牟平縣故城在縣東南

里今廢縣社俗作廢現新縣志改作惟賢

寰宇記高齊天保七年移牟平於今黃縣東北七十三里馬

嶺山南置隋志牟平有龍山今縣南四十里金山又名金果山今縣東南五十里九

目山今縣東南九十里皆在縣東南馬嶺山即縣東南十五里之馬

續山東考古錄

卷之十一

蓬萊縣

一 蝸角尖廬

鞍山也蓋漢治在福山西北齊移而北仍牟平地黃縣志稱

在其縣東南十五里馬嶺山下非是

隋東萊州郡牟平縣及黃縣地牟平疑先屬牟州

唐河南道登州東牟郡治蓬萊縣武德四年牟平縣屬牟州新唐志牟平下

武德四年以牟平黃置牟州似牟州即置於牟平故後州縣並廢也而寰宇記則謂唐牟州亦在中郎城新舊志黃縣下皆不

載貞觀元年省入黃縣牟州亦於八年元和志作貞元八年誤於黃縣漢

蓬萊城置蓬萊鎮神龍三年移黃縣於鎮南一里改名蓬萊移

登州來治先天元年復析置黃縣五代因之

蓬萊縣即今治舊唐志蓬萊漢黃縣神龍三年改爲蓬萊移

於今所黃縣下云又割蓬萊置黃縣新唐志略同是神龍三

年直改黃為蓬萊移於今治其時別無黃縣也先天元年始又析置元和志寰宇記齊乘並云析黃置蓬萊非是 舊唐

志稱如意元年於蓬萊置登州誤詳寧海州齊乘文登下書貞

觀元年廢登州登州下不書置於牟平逕書徙治蓬萊自何

縣徙來耶 續通考蓬萊下宋金元俱為登州治所牟平下

云唐武德初置登州於牟平似唐登州始置即在牟平後並

未徙蓬萊宋始治蓬萊矣甚不合互詳寧海文登

宋京東東路登州東牟郡防禦治蓬萊縣

金山東東路登州治蓬萊縣

元都省山東般陽路登州治蓬萊縣州初屬益都路中統五年

續山東考古錄 卷之十一 蓬萊縣 二 蝸角尖廬

屬

明山東布政司登州府治蓬萊縣洪武元年廢蓬萊縣其地直

隸於州屬萊州府六年直隸山東行省九年升為府復置蓬萊

國朝因之

縣志道光十九年修知縣王文燾沿革夏斟尋氏國繆 漢屬東萊郡

膠東國按縣無漢膠東地 晉分為東萊長廣泰山三郡

按縣無泰山郡地晉改泰山之牟縣為東牟必因此致誤

見萊蕪古蹟有甃國又有帆國按甃不在此且漢縣非古

國帆乃甃之訛晉書高密王略傳帆令劉根起兵帆即甃之訛真繆之繆矣 清

陽城不在此

黃縣

古萊夷商周萊國後入齊

一作邾見春秋襄公十四年左傳

春秋襄公六年齊侯滅萊杜注云今東萊黃縣元和志黃縣古萊子之國按黃爲萊國古無異說而余大有疑焉史記齊太公世家營邱邊萊其時萊爲侯爵律以周制侯封已無都黃而邊營邱之理春秋襄公二年晏弱城東陽以逼萊六年傳云晏弱城東陽而遂圍萊杞桓公卒之月乙未王湫帥師及正輿子棠人軍齊師齊師大敗之丁未入萊萊共公浮柔奔棠晏弱圍棠十一月丙辰而滅之遷萊於郕杜注遷萊於郕國考東陽城在臨朐東境萊如都黃相去三四百里城東

續山東考古錄

卷之十一

黃縣

三 蝸角尖廬

陽能逼之耶玩而遂文義及逼之之說萊都甚近東陽已可概見棠邑在古卽墨界而今之高密卽萊之維邑晏弱卽維人就近城東陽以逼萊萊城破而萊子奔棠其國都被圍而棠人軍齊是萊城必去棠不遠斷不出古卽墨夷安數縣境齊已滅萊則萊爲齊境內地萊滅於靈公時而景公時齊東不越姑尤黃在姑尤之外非萊故國明矣萊本在西齊遷之郕遂名東萊與牟本在今萊蕪齊遷之於今福山寧海遂名東牟正出一例小邾本名郕爲魯附庸齊何得遷萊於彼耶縣志云南十里有歸城齊遷萊於郕卽此土人曰灰城考齊乘稱郕城名小灰城

此謂小邾詳滕縣

則此城必齊遷萊之郕土俗

相傳已久後人因彼名以名此歸又灰音轉耳縣志既據舊說以為萊故
國又以此為那是當日僅徙十許里又何貴此徙耶此邦當是東夷小國早附庸於齊者今姑從舊說附誌所見於此

漢青州東萊郡黃縣愷縣徐鄉縣

黃縣故城在東南二十五里

愷縣故城在西南二十五里後漢志愷縣侯國後漢侯國劉昭注

三齊記曰南有蹲犬山寰宇記愷城在黃縣西南二十五里

又云蹲犬山在黃縣西南三十里紀要稱愷城在縣南百二十里非是

徐鄉縣故城在西北十里寰宇記黃縣徐鄉故城失其遺址

續山東考古錄

卷之十一

黃縣

四 蝸角尖廬

又云士鄉城後漢書云齊有士鄉卽此按國語管仲制國為二十一鄉士鄉十五是通國之制非獨有一士鄉城况黃在姑尤之外耶士卽徐音略轉耳以此附會於士鄉安所得徐鄉遺址乎

後漢青州東萊郡治黃縣及愷縣魏因之晉郡治還掖宋因之後魏光州東牟郡治黃縣武定元年置郡又愷縣

後魏黃縣故城在漢縣東一百步本中郎城魏志黃縣有黃城是後魏非漢治也元和志後魏孝靜帝分東萊於黃縣東一百步中郎故城置東牟郡然則縣亦徙此矣寰宇記引郡國志云石勒遣中郎將石同築齊乘以漢長廣縣城為中郎

城繆矣

魏志東牟郡下重出梁州陽夏郡下注文本注遂闕

魏志轘縣有轘城徙治未詳或曰即招遠之潘家城備考

高齊光州長廣郡治黃縣天保七年廢東牟郡移長廣郡來治縣之中郎城省轘縣入黃周因之

齊黃縣即今治寰宇記黃縣高齊天保七年移於今理

隋東萊州黃縣開皇初廢長廣郡來屬十六年屬牟州大業初

還屬

寰宇記開皇初改長廣郡為牟州考隋志黃縣下但稱廢長廣郡不云置牟州而置州在觀陽下記誤

唐河南道

登州東牟郡

黃縣武德四年復置牟州於中郎城

此據寰宇記而

續山東考古錄

卷之十一

黃縣

五

蝸角尖廬

唐牟州似在高齊牟平城詳蓬萊記疑誤姑從俟考

貞觀元年州廢屬萊州神龍三年移

治今蓬萊縣先天元年復析蓬萊置來屬五代因之

宋京東東路

登州東牟郡

黃縣

金山東東路登州黃縣西南境析入招遠縣

元都省山東般陽路登州黃縣

明山東布政司登州府黃縣

國朝因之

縣志

乾隆二十一年修知縣袁中立

沿革唐先天元年復析蓬萊之黃

冠村別置黃縣即東黃城開元十一年徙東黃城為今治

其古蹟志東黃城即漢縣按後漢書李忠傳章懷注黃今

萊州縣故城在縣東南樂史當宋初稱今理卽高齊所徙是唐初及先天置皆高齊故治志以黃冠村爲東黃城又以爲今治又以爲漢城矛盾如是殊難憑信志又稱舊志及碑稱開元十一年徙黃城之舊縣古無此說文義亦復不通今城北門外有古城址或卽黃冠村開元時稍南徙歟備考 古蹟徐鄉城在縣西五十里非是

福山縣

周牟國齊遷牟國於此

魏志牟平有牟城時牟平未徙治卽牟子所居矣今牟城社漢青州東萊郡腫縣牟平縣育犁縣

續山東考古錄

卷之十一

福山縣

六 蝸角尖廬

寰宇記文登縣腫漢縣省併牟平按漢志注云東萊腫縣四字

非注有之罘山祠并丹水所出蓋在今縣西七十里清陽水側

近與海畔之罘山相對漢志之罘山祠之下有居上山聲洋

豈出於之罘山耶所謂按清陽水卽漢志聲洋水今清陽河

腫縣在其側而與之罘山對明統志稱卽今治是也寰宇記

所謂今縣指牟平縣今寧海州清陽水在其西七十里可證若文

登西七十里安有清陽水且何能對之罘山耶元和志之罘山在文登西

北一百九十里元和時已析置隋及唐初腫城本文登地而

今縣云云似新置牟平後地志之文樂氏仍沿舊志係之文

登耳齊乘以所謂今縣爲文登文登至今寧海州百許里除

七十里得三十里遂稱腫城在寧海州東三十里亦思其地有清陽水對之果山否耶

牟平縣故城在西北三十里今古縣社俗作寰宇記蓬萊縣

牟平故城在縣東南九十里齊乘稱在牟平縣西北百里今寧海州至府二百里除九十里

得百一十里百許里內十里之差非誤也考證謂不止百里未免過泥按縣在蓬萊東南百三

十里而古縣社在縣西北三十里即漢牟平無疑 牟平以

在牟山之陽其地夷坦得名見元和志蓋溯縣所由名非謂

唐牟平在牟山陽也隋志牟平即齊牟平詳蓬萊有牟山當在漢縣

之北縣境內今寧海州北七里有牟山後人附會非是

寰宇記文登縣育犁漢縣後漢省併牟平蓋在今郡東南一

續山東考古錄 卷之十一 福山縣 七 蝸角尖廬

百二十里瀲港水側齊乘稱在寧海州西北八十里是也當

在縣西北十許里或曰即官家島後舊城土人曰營子頭備考

後漢青州東萊郡牟平縣省腫育犁二縣入之魏屬長廣郡晉

初省牟平後復

晉志無牟平魏志牟平晉罷後復寰宇記稱晉牟平屬東萊

晉封齊王罔臣葛旗為牟平公其時在永寧元年疑是時復

置也

劉宋青州東萊郡牟平縣

後魏光州東牟郡牟平縣高齊徙治於今蓬萊縣東南縣為牟

平縣地文登縣地周隋因之隋志文登有之果山唐武德六年析文登置

清陽縣屬登州

時治文登

貞觀元年省入文登麟德二年復為牟平

縣地

齊周隋牟平地縣西北境是唐牟平地縣東南境是

其西北境唐初仍為牟平縣地

貞觀元年為黃縣地神龍三年為蓬萊縣地五代宋因之

齊乘腫城省入牟平唐初置清陽縣城對之罘山臨清陽水

故名清陽城又不夜城下解道虎云不夜在陽庭城東南陽

庭有青城山始皇射魚處今按青城山即之罘山也因腫名

清陽城故之罘號青城山陽庭即腫城是據此是唐清陽縣

即漢腫城矣城冢記齊康公城在牟平東十里又二十里

為清陽城是清陽城在古牟平東南三十里即今治矣

金山東東路登州福山縣會昌中偽齊劉豫析蓬萊縣之兩水

續山東考古錄

卷之十一

福山縣

八 蝸角尖廬

鎮及牟平縣地置

福山縣即今治舊說稱縣治即兩水鎮而縣志稱鎮在縣北

十里則別築城矣

元都省山東般陽路登州福山縣

明山東布政司登州府福山縣附洪武三十一年設奇山千戶

所

奇山所故城在東北三十里

國朝因之 裁千戶所

縣志

康熙癸丑年修知縣羅博

沿革但稱漢腫縣不書牟平又不書

省睡入牟平於後魏書屬東牟郡何縣屬東牟郡耶 唐

宋但云屬登州何縣地耶 古蹟皆無方向里數

棲霞縣

漢睡縣地 西北境當有黃縣地 東南境當有觀陽地 後漢魏晉劉宋後魏高齊周牟

平縣地隋牟平縣地觀陽縣地唐蓬萊縣地昌陽縣地五代梁

同唐唐晉漢周宋蓬萊縣地萊陽縣地 唐武德六年至貞觀元年當為清陽地

漢志睡縣有居上山在縣境 詳山考 縣為睡地明證

齊乘金山亦名岨嶠山棲霞縣東北二十里以產金得名即

地記萊陽縣之黃銀坑也隋開皇十八年牟州刺史辛公義

於此坑治鑄得黃銀獻之山寺有隋碑淘金者所祖按元和

志萊陽縣黃銀坑在縣東百四十里當是東北也觀陽在萊

續山東考古錄 卷之十一 棲霞縣 九 蝸角尖廬

陽東隋牟州治觀陽此山隋屬觀陽唐省入昌陽

金山東東路登州棲霞縣天會中偽齊劉豫析蓬萊之楊疇鎮

及萊陽縣地置

棲霞縣即今治齊乘棲霞舊為楊疇鎮

元都省山東般陽路登州棲霞縣

明山東布政司登州府棲霞縣

國朝因之

縣志 乾隆十九年修 知縣衛葑 沿革唐東牟郡楊疇鎮按此鎮九域

志且不載何據以為唐鎮乎 金置淘金所一名金山郡

此俗稱不當入沿革

招遠縣

漢後漢魏晉劉宋曲城縣地嶷縣地

曲城縣故城在掖縣與縣接界處東去縣五十里

魏志嶷縣有羅山

後魏光州東萊郡東曲城縣皇興中析曲城縣置又西曲城縣

地即曲城嶷縣地高齊隋周唐五代宋掖縣地黃縣地

東曲城縣故城在西北三十里今日新城

隋志後齊省曲城入掖當兼兩曲城言之然羅山以北本嶷

縣地齊省入黃縣者九域志掖黃並有羅山鎮今治正兩縣

分界處也府志唐置羅峯鎮無據齊乘稱金初置鎮亦誤

續山東考古錄

卷之十一

招遠縣

十

蝸角尖廬

金山東東路萊州招遠縣天會中偽齊劉豫析掖黃兩縣之羅

峯鎮置

招遠縣即今治

元都省山東般陽路萊州招遠縣

明山東布政司登州府招遠縣洪武九年屬

國朝因之

縣志順治十七年修
知縣張作礪

登州府補遺

舊五代史晉天福六年秋七月辛酉以前登州節度使焦方爲
貝州節度使未詳登州何時升節鎮

宋史太祖紀乾德元年罷登州都督 又孫行友傳孫全照于
淳化中爲登萊路都巡檢使按宋登萊未自爲路蓋爲二州巡
檢使耳

黃縣

寰宇記引郡國志中郎城石勒中郎石同所築考晉書載記無
此事亦無石同其人云季龍遣曹伏將青州之衆渡海戍蹋
頓城無水而還因戍於海島運穀百萬斛以給之使典農中郎
續山東考古錄 登補 一 蝸角尖廬
將王典率衆萬餘屯田於海濱疑此城爲王典所築訛作石同
也

萊陽縣

元史世祖至元二十六年萊縣蒲臺旱饑縣當作陽

寧海州

元史合刺普華傳出爲寧海路達魯花赤元寧海未置路當作
州

榮城縣

漢書王莽傳夙夜連率韓博薦巨無霸按莽改不夜縣爲夙夜
但縣不當有連率或莽曾分置郡於此史失載也

